




REPUBLIKA E KOSOVËS  
REPUBLIKA KOSOVA - REPUBLIC OF KOSOVA  
KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



**Kandidati:** "Criteria Network" SH.P.K.  
**Nr. i biznesit:** 71155986  
**Përfaqësuar nga:** z. Blerim KROMA  
**Emri i propozuar:** "Radio Criteria"  
**Adresa:** Rr/Mati 1, Lin Projekt, Hyrja 8, Nr.41  
Prishtinë

Ref: 1905/588/LIC/ni

## VENDIM

për licencimin e kandidatit Radio Criteria, për transmetim të radio programeve, me mbulim që i përket kategorisë lokale, në Komunën e Obiliqit

---

### Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Në bazë të Ligjit nr. 04/L-44 (Ligji për KPM), neni 3, paragrafi 2.1. të, KPM licencën transmetuesit publik e privat dhe i ripërtërin licencat, duke iu dhënë subjekteve të autorizuara të drejtën e përdorimit të frekuencave në Spektrin e Frekuencave të Transmetimit si dhe licencën të gjitha shërbimet mediale audiovizuale.
3. Neni 3, paragrafi 2.6. i ligjit për KPM, i jep kompetencë dhe e obligon KPM-në që të nxjerr akte nënligjore për rregullimin e transmetimit dhe shërbimeve mediale audiovizuale, të cilat shërbejnë për të kryer funksionet e saj në pajtim me standardet ndërkombëtare.
4. Në pajtim me nenin 23, paragrafi 1 i Ligjit për KPM, më 15 shkurt 2019, KPM ka shpallur konkurs publik për dhënien e licencave të reja për transmetim të programeve në radio, për Komunën e Obiliqit. Konkursi publik ka qenë i hapur deri më 15 mars 2019.

5. Pas përfundimit të afatit për aplikim me 15 mars 2019, KPM, në takimin e datës 21 mars 2019, ka marr vendim për shtyrjen e afatit për aplikim edhe për 15 ditë të tjera, ndërsa, afati për aplikim ka qenë i hapur nga data 27 mars 2019 deri më datën 12 prill 2019.
6. Konkursi publik është zhvilluar mbi bazën e akteve nënligjore të KPM-së, të nevojshme për plotësimin dhe parashtrimin e aplikimit për licencë të KPM-së që janë 1. Rregullorja për Ofruesit e Shërbimeve Mediale Audio dhe Audiovizuale (KPM-2017/02); 2. Rregullorja për vlerësimin e aplikacioneve (KPM-2014/02) dhe 3. Rregullorja për Tarifën Vjetore për Licencë (KPM-2017/06).
7. Me datën 15 mars 2019, kandidati Radio Criteria, ka dorëzuar aplikacionin e kompletuar në KPM, në pajtim me konkursin publik.

### Arsyetim

8. Vendimi i KPM-së për dhënien e licencave të reja është bërë mbi bazën e nevojave të publikut dhe kapaciteteve të lira frekuencore në ato komuna të Republikës së Kosovës, ku është vlerësuar se ka mungesë të shërbimeve mediale radio me mbulim lokal, si dhe në ato komuna ku është kërkuar që të krijohet mundësi për pluralizëm medial.
9. Neni 21, paragrafi 1 i Ligjit për KPM, thekson se: *“Për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja”*.
10. Në takimin e mbajtur më 23 prill 2019, Komisioni për Vlerësimin e Aplikacioneve ka konstatuar se, kandidati Radio Criteria ka dorëzuar aplikacionin të kompletuar në KPM dhe në pajtim me Ligjin për KPM dhe Rregulloren KPM-2017/02, duke i plotësuar në tërësi kushtet kualifikuese për licencë të KPM-së dhe si i vetmi kandidat i cili ka aplikuar për licencë të radios për Komunën e Obiliqit.
11. Neni 22, paragrafi 4, pikat: 4.1, 4.2, 4.3, 4.4 dhe 4.5 të Ligjit për KPM-në, përcakton kriteret kryesore mbi bazën e të cilave KPM vlerëson aplikacionet e kandidatëve për dhënien e licencës së KPM-së.
12. Komisioni për Vlerësim të aplikacioneve, mbi bazën e kriterëve të përcaktuara sipas nenit 22, paragrafi 4 të ligjit të KPM-së, si dhe në bazë të Rregullores KPM-2014/02, ka vlerësuar kandidatin Radio Criteria me 30 pikë për *Kapacitetin për Zhvillimin e Programit Vetanak dhe Nevojën për të Siguruar Program të Shumëllojshëm për të gjithë Qytetarët në atë Zonë të Mbulimit*; me 25 pikë për *Kushtet Teknike* dhe me 25 pikë për *Qëndrueshmërinë Financiare*.
13. Komisioni konstaton se kandidati Radio Criteria ka grumbulluar gjithsej 80 pikë gjatë vlerësimit të kriterëve profesionale të përcaktuara me ligjin dhe aktet nënligjore të KPM-së.

14. Komisioni vlerëson se, kandidati Radio Criteria ka paraqitur aplikacionin për licencë të KPM-së më të detajuar dhe më të qartë, duke e mbështetur edhe në dëshmi të qëndrueshme për të themeluar një radio stacion që do të jetë në shërbim të qytetarëve të komunës së Obiliqit.
15. Komisioni vlerëson se, kandidati Radio Criteria ka përmbushur kriteret kualifikuese për t'u pajisur me licencë të KPM-së, në pajtim me Ligjin e KPM-së, me Rregulloren KPM-2017/02, duke grumbulluar gjithsej 80 pikë, si kandidat i vetëm, për sa i përket plotësimit të kriterëve profesionale për licencë të KPM-së, në pajtim me Rregulloren e KPM-2014/02.

### VENDIM

16. Komisioni në takimin e tij të mbajtur më datën 17 maj 2019, merr vendim që, kandidatit Radio Criteria t'ia APROVOJË kërkesën për licencë të KPM-së, mbi bazën e pikëve të grumbulluara gjatë vlerësimit të aplikacionit (80 pikë), për të vepruar si shërbim medial audio, duke ofruar programe radiofonike me interes publik për qytetarët në Komunën e Obiliqit.
17. Kandidatit Radio Criteria i lëshohet licenca e KPM që i përket kategorisë për mbulim lokal.
18. Përcaktimi i parametrave teknik si dhe caktimi i frekuencës që do të shfrytëzohet nga Radio Criteria, të përcaktohen në Tabelën Teknike të Pakos së Licencës së KPM-së, pas marrjes së vendimit për licencim nga Komisioni.
19. Këtë vendim e lëshon Komisioni, dhe i njëjti hyn në fuqi që nga data e nënshkrimit të tij.

  
Muja FERATI

Kryetar

KOMISIONI I PAVARUR I MEDIAVE



17.05.2019

datë